

Kanton Sarajevo
Skupština Kantona Sarajevo
Admela Hodžić Klub SDA

Kanton Sarajevo
Ministarstvo privrede Kantona Sarajevo

ZASTUPNIČKA INICIJATIVA

Podnosim inicijativu Ministarstvu privrede KS za izdvajanje sredstava i regulaciju toka rijeke Zjevine u mjestu Pazarić u dužini oko 900 metara. Na području gdje svake sezone kiša, u proljeće i jesen, dolazi do izlivanja rijeke i poplava što prouzrokuje ogromnu materijalnu štetu i ugrožava ljudske živote stanovnika tog područja, potrebno je za sanaciju izdvojiti oko 1. milion KM.

OBRAZLOŽENJE

Svejdoci smo zadnjih poplava na ovom području u naselje Pazarić izlivanjem rijeke Zjevine iz korita, od mosta na putu M17 na ulazu u naselje i do centra naselja. To je najveća plavna površina na području Općine, gdje je poplavljeno oko 30 stambenih, pomoćnih i privrednih objekata i zemljište cca $P=50.000 \text{ m}^2$ odnosno 5 ha u dužini od cca 900 m vodotoka rijeke Zjevine.

Na desnoj obali rijeke Zjevine poplavljene su objekti i zemljište u ulici Bjelašnička i na lijevoj obali rijeke Zjevine u ulici Omladinska i ugroženi životi stanovništva od najmlađih, među kojima su osnovci i srednjoškolci, pa čak i bebe, koji se noću kada je najkritičnije moraju izmjestiti na sigurna mjesta. Nakon tako provedenih noći naši školarci nisu u stanju pratiti nastavu, a isti problem imamo svake jeseni i proljeća na ovom području kada se rijeka izlije iz svoga korita.

Na ovom lokalitetu je također pričinjena materijalna šteta na pojedinim objektima i velikim površinama građevinskog i poljoprivrednog zemljišta nakon čega vlasnici sami saniraju štetu i iznalaze rješenja da se zaštite.

Općinski načelnik i Služba civilne zaštite Općine Hadžići stanovništvu pružaju maksimalnu pomoć u ovakvim situacijama ali sredstva za izradu projektne dokumentacije, rješavanje imovinsko pravnih odnosa i izvođenje radova koja su potrebna za trajno rješenje ovog problema iznose oko 1. milion KM koje Općina sama ne može finansirati.

Molim nadležne da što prije razmotre ovu inicijativu i pristupe iznalaženju trajnog rješenja ovog problema kako bi stanovnicima Pazarića a naročito našim najmlađima obezbijedili siguran život.

Admeļa Hodžić

Zastupnica SDA u Skupštini Kantona Sarajevo

Sarajevo, 27.02.2019. god.